

內觀教育基金會 2018.05

明版南藏契嵩短本 (1403)

內觀教育基金會編輯
2018.05

六祖大師法寶壇經贊

此号上卷

密一

宋明教大師 契嵩 述

贊者告也發經而溥告也壇經者至人之所以宣其心也何心邪佛所傳之妙心也大哉心乎資始變化而清淨常若凡然聖然幽然顯然無所處而不自得之聖言乎明凡言乎昧昧也者變也明也者復也變復雖殊而妙心一也始釋迦文佛以是而傳之大龜氏大龜氏相傳之三十世者傳諸大鑿大鑿傳之而益傳也說之者抑亦多端固有名同而實異者也固有義多而心一者也曰血肉心者曰緣慮心者曰集起心者曰堅實心者若心所之心益多也是所謂名同而實異者也曰真如心者曰生滅心者曰煩惱心者曰菩提心者曰修多羅其類此者殆不可勝數是所謂義多而心一者也義有覺義有不覺義心有真心有妄心皆所以別其正心也方壇經之所謂心者亦義之覺義心之實心也昔者

聖人之將隱也乃命乎龜氏教外以傳法之要意其人滯迹而忘返固欲後世者提本而正末也故涅槃曰我有無上正法悉已付囑摩訶迦葉矣天之道存乎易地之道存乎簡聖人之道存乎要要也者至妙之謂也聖人之道以要則為法界門之樞機為無量義之所會為大乘之推輪法華豈不曰當知是妙法諸佛之秘要華嚴豈不曰以少方便疾成菩提要乎其於聖人之道利而大矣哉是故壇經之宗尊其心要也心乎若明若冥若空若靈若寂若惺有物乎無物乎謂之一物固彌於萬物謂之萬物固統於一物一物猶萬物也萬物猶一物也此謂可思議也及其不可思也不可議也天下謂之玄解謂之神會謂之絕待謂之默體謂之冥通一皆離之遣之遣之又遣亦烏能至之微其果然獨得與夫至人之相似者孰能諒乎推而廣之則無往不可也探而裁之則無所不當也施於證

性則所見至親施於修心則所詣至三施於
 崇德辯惑則真妄易顯施於出世則佛道速
 成施於救世則塵勞易歇此壇經之宗所以
 旁行天下而不礙彼謂即心即佛淺者何其
 不知量也以折鐘探地而淺地以屋漏窺天
 而小天豈天地之然邪然百家者雖苟勝之
 弗如也而至人通而貫之合乎群經斷可見
 矣至人變而通之非預名字不可測也故其
 顯說之有倫有義密說之無首無尾天機利
 者得其深天機鈍者得其淺可擬乎可識乎
 不得已況之則圓頓教也最上乘也如來之
 清淨禪也菩薩藏之正宗也論者謂之玄學
 不亦詳乎天下謂之宗門不亦宜乎壇經曰
 定慧為本者趣道之始也定也者靜也慧也
 者明也明以觀之靜以安之安其心可以體
 心也觀其道可以語道也一行三昧者法界
 一相之謂也謂萬善雖殊皆正於一行者也
 無相為體者尊大戒也無念為宗者尊大定

也無住為本者尊大慧也夫戒定慧者三乘
 之達道也夫妙心者戒定慧之大資也以一
 妙心而統乎三法故曰大也無相戒者戒其
 必正覺也曰弘願者願度度苦也願斷斷集
 也願學學道也願成成寂滅也滅無所滅故
 無所不斷也道無所道故無所不度也無相
 相儼者儼非所儼也三歸戒者歸其一也一
 也者三寶之所以出也說摩訶般若者謂其
 心之至中也般若也者聖人之方便也聖人
 之大智也固能寂之明之權之實之天下以
 其寂可以混眾惡也天下以其明可以集眾
 善也天下以其權可以大有為也天下以其
 實可以大無為也至矣哉般若也聖人之道
 非夫般若不明也不成也天下之務非夫般
 若不宣也不當也至人之為以般若振不亦
 遠乎我法為上上根人說者宜之也輕物重
 用則不勝大方小授則過也從來默傳分付
 者密說之謂也密也者非不言而闡證也真

而密之也不解此法而輒誘毀謂百劫千生
斷佛種性者防天下凶其心也佛乎釋經之
作也其本正其迹効其因其果不謬前聖
也後聖也如此起之如此示之如此復之浩
然沛乎若大川之注也若虛空之通也若日
月之明也若形影之無礙也若鴻漸之有序
也妙而得之之謂本推而用之之謂迹以其
非始者始之之謂因以其非成者成之之謂
果果不異乎因謂之正果也因不異乎果謂
之正因也迹必顯乎本謂之大用也本必顯
乎迹謂之大乘也乘也者聖人之喻道也用
也者聖人之起教也夫聖人之道莫至乎心
聖人之教莫至乎修調神入道莫至乎一相
止觀軌善成德莫至乎一行三昧資一切戒
莫至乎無相正一切定莫至乎無念通一切
智莫至乎無住生善滅惡莫至乎無相戒篤
道推德莫至乎四弘願善觀過莫至乎無相
鑑正惡起莫至乎三歸戒正大體裁大用莫

至乎大般若發大信務大道莫志乎大志天
下之窮理盡性莫至乎默傳欲心無過莫善
乎不謗定慧為始道之基也一行三昧德之
端也無念之宗解脫之謂也無住之本般若
之謂也無相之體法身之謂也無相戒戒之
最也四弘願願之極也無相懺懺之至也三
歸戒其所歸也摩訶智慧聖凡之大範也為
上上根人說直說也默傳傳之至也戒謗戒
之當也夫妙心者非修所成也非證所明也
本成也本明也以逐明者復明所以證也以
背成者復成所以修也以非修而修之故曰
正修也以非明而明之故曰正證也至人暗
然不見其威儀而成德為行誦如也至人顏
然若無所持而道顯於天下也蓋以正修而
修之也以正證而證之也于此乃曰罔修罔
證罔因罔果穿鑿難競為其說謬乎至人
之意焉噫放戒定慧而必趨乎混茫之空則
吾末如之何也甚乎舍識溺心而浮識識與

乘相乘循諸壽而未始息也象之形之人與物偕生紛然乎天地之間可勝數邪得其形於人者固萬萬之一耳人而能覺幾其鮮矣聖人懷此難以多善養之而天下猶有所不明者也聖人教此難以多方治之而天下猶有所不醒者也賢者以智亂不肖者以愚墜平平之人以無記憒及其感物而發喜之怒之哀之樂之益蔽者萬端曖然若夜行而不知所至其承於聖人之言則計之博之若蒙霧而望遠謂有也謂無也謂非有也謂非無也謂亦有也謂亦無也以不見而却蔽固終身而不得其審焉海所以在水也魚龍死生在海而不見乎水道所以在心也其人終日說道而不見乎心悲夫心固微妙幽遠難明難湊其如此也矣聖人既隱天下百世雖以書傳而莫得其明驗故壇經之宗舉乃直示其心而天下方知即正乎性命也若排雲霧而頓見太清若登泰山而所視廓如也王氏

以方乎世書曰齊一變至於魯魯一變至於道斯言近之矣涅槃曰始從鹿野苑終至跋提河中問五十年未嘗說一字者示法非文字也防以文字而求其所謂也曰依法不依人者以法真而人假也曰依義不依語者以義實而語假也曰依智而不依識者以智至而識妄也曰依了義經不依不了義經者以了義經盡理也而菩薩所謂即是宣說大涅槃者謂自說與經同也聖人所謂四人出世即四依也護持正法應當證知者應當證知故至人推本以正其末也自說與經同故至人說經如經也依義依了義經故至人顯說而合義也合經也依法依智故至人密說變之通之而不苟滯也示法非文字故至人之宗尚乎默傳也聖人如春陶陶而發之也至人如秋濯濯而成之也聖人命之而至人効之也至人固聖人之門之奇德殊勳大也夫至人者始起於微自謂不識世俗文字及其

密一

五

成至也方一應之覽而顯道救世與乎大聖人之云爲者若令符契也固其玄德上智生而知之將自表其法而示其不識乎死殆四百年法流四海而不息帝王者聖賢者更三十世求其道而益敬非至乎大聖人之所至天且厭之久矣烏能若此也予固豈盡其道幸蚊蟻飲海亦預其味敢稽首布之以遺後學者也

六祖大鑿真空普覺圓明禪師

唐憲宗皇帝謚大鑿禪師塔曰靈照

宋太宗皇帝加謚真空塔曰太平興國

仁宗皇帝加普覺 神宗皇帝加圓明云

六祖大師法寶壇經

風旛報恩光孝禪寺住持嗣祖比丘 宗寶 編

僧錄司右副教兼壽山靈谷禪寺住持 淨戒 重校

時祖師至寶林韶州韋刺史璩與官僚入山請師出於城中大梵寺講堂爲衆開緣說法師升座次刺史官僚三十餘人儒宗學士三

十餘人僧尼道俗一千餘人同時作禮願聞法要大師告衆曰善知識總淨心念摩訶般若波羅蜜大師良久復告衆曰善知識菩提自性本來清淨但用此心直了成佛善知識且聽惠能行由得法事意惠能嚴父本貫范陽左降流于嶺南作新州百姓此身不幸父又早亾老母孤遺移來南海艱辛貧乏於市賣柴時有一客買柴使令送至客店客收去惠能得錢却出門外見一客誦經惠能一聞經云應無所住而生其心心即開悟遂問客誦何經客曰金剛經復問從何所來持此經典客云我從新州黃梅縣東禪寺來其寺是五祖忍大師在彼主化門人一千有餘我到彼中禮拜聽受此經大師常勸僧俗但持金剛經即自見性直了成佛惠能聞說欲往求法念母無依宿昔有緣乃蒙一客取銀十兩與惠能令充老母衣糧故便往黃梅參禮五祖惠能安置母畢即便辭違不經三十餘日

便至黃梅禮拜五祖祖問曰汝何方人欲求何物惠能對曰弟子是嶺南新州百姓遠來禮師惟求作佛不求餘物祖言汝是嶺南人又是獼獠若為堪作佛惠能曰人雖有南北佛性本無南北獼獠身與和尚不同佛性有何差別祖更欲與語且見徒眾總在左右乃令密一隨眾作務惠能曰惠能七啓和尚弟子自心常生智慧不離自性卽是福田未審和尚教作何務祖云這獼獠根性大利汝更勿言着槽廠去惠能退至後院有一行者差惠能破柴踏確經八餘月祖一日忽見惠能曰吾思汝之見可用恐有惡人害汝遂不與言汝知之否惠能曰弟子亦知師意不敢行至堂前令人不覺祖一日喚諸門人總來吾向汝說世人生死事大汝等終日只求福田不求出離生死苦海自性若迷福何可救汝等各去自看智慧取自本心般若之性各作一個來呈吾看若悟大意付汝衣法為第六代祖火

急速去不得遲滯思量卽不中用見性之人言下須見若如此者譬如輪刀上陣亦得見之衆得處分退而遙相謂曰我等衆人不須澄心用意作偈將呈和尚有何所益神秀上座現為教授師必是他得我輩謾作偈頌枉用心力餘人聞語總皆息心咸言我等已後依止秀師何煩作偈神秀思惟諸人不呈偈者為我與他為教授師我須詐偈將呈和尚若不呈偈和尚如何知我心中見解深淺我呈偈意求法卽善覓祖卽惡却同凡心奪其聖位奚別若不呈偈終不得法大難大難五祖堂前有步廊三間擬請供奉盧珍畫楞伽經變相及五祖血脈圖流傳供養神秀作偈成已數度欲呈行至堂前心中恍惚徧身汗流前後經四日一十三度呈偈不得秀乃思惟不如向廊下書著從他和尚看見忽若道好卽出禮拜云是神秀作若道不堪枉向山中數年受人禮拜更修何道是夜三更不使

人知自執燈書偈於南廊壁間呈心所見偈

身是菩提樹

心如明鏡臺

時時勤拂拭

勿使惹塵埃

秀書偈了便却歸房人總不知秀復思惟五祖明日見偈歡喜即我與法有緣若言不堪

自是我迷第一宿業障重不合得法聖意難測房

中思想坐卧不安直至五更祖已知神秀入門未得見自性天明祖喚盧供奉來向南

廊壁間繪畫圖相忽見其偈報言供奉却不九用書勞爾遠來經云凡所有相皆是虛妄但

留此偈與人誦持依此偈修免墮惡道依此

偈修有大利益令門人炷香禮敬盡誦此偈

當得見性門人誦偈皆歎善哉祖三更喚秀入堂問曰偈是汝作否秀言實是秀作不敢

妄求祖位望和尚慈悲看弟子有少智慧否祖曰汝作此偈未見本性只到門外未入門

內如此見解竟無上菩提終不可得無上菩

提須得言下識自本心見自本性不生不滅

於一切時中念念自見萬法無滯一真一切

真萬境自如如如之心即是真實若如是

見即是無上菩提之自性也汝且去思惟更

作一偈將來吾看汝偈若入得門付汝衣法

神秀作禮而出又經數日作偈不成心中恍

惚神思不安猶如夢中行坐不樂復兩日有

一童子於碓坊過唱誦其偈惠能一聞便知

此偈未見本性雖未蒙教授早識大意遂問

童子曰誦者何偈童子曰爾這猶擦不知大

師言世人生死事大欲得傳付衣法令門人

作偈來看若悟大意即付衣法為第六祖神

秀上座於南廊壁上書無相偈大師令人皆

誦依此偈修免墮惡道依此偈修有大利益

惠能曰上人我此路碓入箇餘月未嘗行到

堂前望上人引至偈前禮拜童子引至偈前

禮拜惠能曰惠能不識字請上人為讀時有

江州別駕姓張名日用便高聲讀惠能聞已

遂言亦有一偶望別駕為書別駕言汝亦作
傷其事希有惠能向別駕言彼學無上菩提
不得輕於初學下下人有上上智上上人有
沒意智別駕言汝但誦偈吾為汝書汝若得
法先須度吾勿忘此言惠能偈曰

菩提本無樹 明鏡亦非臺

本來無一物 何處惹塵埃

書此偈已徒眾總驚無不嗟訝各相謂言奇
哉不得以貌取人何得多時使他肉身菩薩
祖見眾人驚怪恐人損害遂將鞋擦了偈曰
亦未見性眾人疑息次日祖潛至碓坊見能
腰石舂米語曰求道之人為法忘軀常如是
乎乃問曰米熟也未惠能曰米熟久矣猶欠
篩在祖以杖擊碓三下而去惠能即會祖意
三鼓入室祖遂徵其初悟惠能無所住而生其
心惠能言下大徹遂啓祖言一切萬法不離
自性何期自性本自清淨何期自性本不生
滅何期自性本自具足何期自性本無動搖

何期自性能生萬法祖知悟本性謂能曰不
識本心學法無益若識本心見自本性即名
丈夫天人師佛三更受法人盡不知便傳衣
鉢云汝為第六代祖善自護念廣度有情流
布將來無令斷絕聽吾偈曰 有情來下種
因地果還生 無情既無種 無性亦無生

祖復曰昔達磨大師初來此土人未之信故
傳此衣以為信證代代相承法則以心傳心
皆令自悟自證自古佛佛惟傳本體師師密
付本心衣為爭端止汝勿傳若傳此衣命如
懸絲汝須速去恐人害汝惠能啓曰向甚處
去祖云逢懷則止遇會則藏三更須得衣鉢

密一

十

云能本是嶺南人素不知此山路如何得出
江口祖言汝不須憂吾自送汝祖送至九江
驛邊祖令上船惠能隨即把船祖云合是吾
渡汝惠能云迷時師度悟了自度度名雖一
用處不同惠能生在邊方語音不正蒙師付
法今已得悟只合自性自度祖云如是如是

以後佛法由汝大行汝去三年吾方逝世汝今好去努力向南不宜速說佛法難起惠能辭違祖已發足南行兩月中間至大庾嶺祖歸數日不上堂衆疑詰問曰和尚少病少惱否曰病卽無衣法已南矣問誰人傳受曰能者得之衆乃知焉逐後數百人來欲奪衣鉢一僧俗姓陳名惠明先是四品將軍性行龔慥極意參尋爲衆人先起及惠能惠能擲下衣鉢於石上云此衣表信可力爭耶惠能隱草中惠明至提掇不動乃喚云行者行者我爲法來不爲衣來惠能遂出坐盤石上惠明作禮云望行者爲我說法惠能云汝旣爲法而來可屏息諸緣勿生一念吾爲汝說明良久惠能曰不思善不思惡正與麼時那箇是明上座本來面目惠明言下大悟復問云上來密語密意外更有密意否惠能云與汝說者卽非密也汝若返照密在汝邊明曰惠明雖在黃梅實未省自己面目今蒙指示如人

飲水冷暖自知今行者卽惠明師也惠能曰汝若如是吾與汝同師黃梅善自護持明又問惠明今後向甚處去惠能曰逢袁則止遇蒙則居明禮辭回至嶺下謂起衆曰向陟崔嵬竟無踪跡當別道尋之起衆咸以爲然惠明後改道明避吾上字惠能後至曹溪又被惡人尋逐乃於四會避難獵人隊中凡經一十五載時與獵人隨宜說法獵人常令守網每見生命盡放之每至飯時以菜寄煮肉鍋或問則對曰但喫肉邊菜一日思惟時當弘法不可終遷遂出至廣州法性寺值印宗師講涅槃經因二僧論風旛義一曰風動一曰旛動讓論不已惠能進曰不是風動不是旛動仁者心動一衆駭然印宗延至上席徵詰與義見惠能言簡理當不由文字宗云行者定非常人久聞黃梅衣法南來真是行者否惠能曰不敢宗於是作禮告請傳來衣鉢出示大衆宗復問曰黃梅付囑如何指授惠能

曰指授卽無惟論見性不論禪定解脫宗曰
何不論禪定解脫能曰爲是二法不是佛法
佛法是不二之法宗又問如何是佛法不二
之法惠能曰法師講涅槃經明佛性是佛法
不二之法如高貴德王菩薩白佛言犯四重
禁作五逆罪及一闍提等當斷善根佛性否
佛言善根有二一者常二者無常佛性非常
非無常是故不斷名爲不二一者善二者不
善佛性非善非不善是名不二之與界凡
夫見二智者了達其性無二無二之性卽是
佛性印宗聞說歡喜合掌言某甲講經猶如
瓦礫仁者論義猶如真金於是爲惠能剃髮
願事爲師惠能遂於菩提樹下開東山法門
惠能於東山得法辛苦受盡命似懸絲今日
得與史君官僚僧尼道俗同此一會莫非累
劫之緣亦是過去生中供養諸佛同種善根
方始得聞如上頓教得法之因教是先聖所
傳不是惠能自智願聞先聖教者各令淨心

密一
主
聞了各自除疑如先代聖人無別師復告衆
曰善知識菩提般若之智世人本自有之只
緣心迷不能自悟須假大善知識示導見性
當知愚人智人佛性本無差別只緣迷悟不
同所以有愚有智吾今爲說摩訶般若波羅
蜜法使汝等各得智慧志心諦聽吾爲汝說
善知識世人終日口念般若不識自性般若
猶如說食不飽口但說空萬劫不得見性終
無有益善知識摩訶般若波羅蜜是梵語此
言大智慧到彼岸此須心行不在口念口念
心不行如幻如化如露如電口念心行則心
口相應本性是佛離性無別佛何名摩訶摩
訶是大心量廣大猶如虛空無有邊畔亦無
方圓大小亦非青黃赤白亦無上下長短亦
無嗔無喜無是無非無善無惡無有頭尾諸
佛刹土盡同虛空世人妙性本空無有一法
可得自性真空亦復如是善知識莫聞吾說
空便卽着空第一莫著空若空心靜坐卽着

無記空善知識世界虛空能含萬物色像日月星宿山河大地泉源溪澗草木叢林惡人善人惡法善法天堂地獄一切大海須彌諸山總在空中世人性空亦復如是善知識自性能含萬法是大萬法在諸人性中若見一切人惡之與善盡皆不取不捨亦不染着心如虛空名之為大故曰摩訶善知識迷人口說智者心行又有迷人空心靜坐百無所思自稱爲大此一輩人不可與語爲邪見故善知識心量廣大徧周法界用卽了了分明應用便知一切一切卽一一卽一切去來自由心體無滯卽是般若善知識一切般若智皆從自性而生不從外入莫錯用意名爲真性自用一真一切真心量大事不行小道口雖終日說空心中不修此行恰似凡人自稱國王終不可得非吾弟子善知識何名般若般若者唐言智慧也一切處所一切時中念念不愚常行智慧卽是般若行一念愚卽般若

絕一念智卽般若生世人愚迷不見般若口說般若心中常愚常自言我修般若念念說空不識真空般若無形相智慧心卽是若作如是解卽名般若智何名波羅蜜此是西竺語唐言到彼岸解義離生滅著境生滅起如水有波浪卽名爲此岸離境無生滅如水常通流卽名爲彼岸故號波羅蜜善知識迷人口念當念之時惟妄惟非念念若行是真性悟此法者是般若法修此行者是般若行不修卽凡一念修行自身等佛善知識凡夫卽佛煩惱卽菩提前念迷卽凡夫後念悟卽佛前念著境卽煩惱後念離境卽菩提善知識摩訶般若波羅蜜最尊最上最第一無住無往亦無來三世諸佛從中出當用大智慧打破五蘊煩惱塵勞如此修行定成佛道變三毒爲戒定慧善知識我此法門從一般若生八萬四千智慧何以故爲世人有八萬四千塵勞若無塵勞智慧常現不離自性悟此

法者卽是無念無憶無著不起誑妄用自真如性以智慧觀照於一切法不取不捨卽是見性成佛道善知識若欲入甚深法界及般若三昧者須修般若行持誦金剛般若經卽得見性當知此功德無量無邊經中分明讚嘆莫能具說此法門是最上乘爲大智人說密一爲上根人說小根小智人聞心生不信何以故譬如大龍下雨於闍浮提城邑聚落悉皆漂流如漂棗葉若雨大海不增不減若大乘人若最上乘人聞說金剛經心開悟解故知本性自有般若之智自用智慧常觀照故不假文字譬如雨水不從天有元是龍能興致令一切衆生一切草木有情無情悉皆蒙潤百川衆流却入大海合爲一體衆生本性般若之智亦復如是善知識小根之人聞此頓教猶如草木根性小者若被大雨悉皆自倒不能增長小根之人亦復如是元有般若之智與大智人更無差別因何聞法不自開悟

緣邪見障重煩惱根深猶如大雲覆蓋於日不得風吹日光不現般若之智亦無大小爲一切衆生自心迷悟不同迷心外見修行覓佛未悟自性卽是小根若開悟頓教不執外修但於自心常起正見煩惱塵勞常不能染卽是見性善知識內外不住去來自由能除執心通達無礙能修此行與般若經本無差別善知識一切修多羅及諸文字皆因人置因智慧性方能建立若無世人一切萬法本自不有故知萬法本自人興一切經書因人說有緣其人中有愚有智愚爲小人智爲大人愚者問於智人智者與愚人說法愚人忽悟解心開卽與智人無別善知識不悟卽佛密一是衆生一念悟時衆生是佛故知萬法盡在自心何不從自心中頓見真如本性菩薩戒經云我本元自性清淨若識自心見性皆成佛道淨名經云卽時豁然還得本心善知識我於忍和尚處一聞言下便悟頓見真如本

性是以將此教法流行令學道者頓悟菩提
 各自觀心自見本性若自不悟須覓大善知
 識解最上乘法者直示正路是善知識有大
 因緣所謂化導令得見性一切善法因善知
 識能發起故三世諸佛十二部經在人性中
 本自具有不能自悟須求善知識指示方見
 若自悟者不假外求若一向執謂須要他善
 知識方得解脫者無有是處何以故自心內
 有知識自悟若起邪迷妄念顛倒外善知識
 雖有教授救不可得若起正真般若觀照一
 刹那間妄念俱滅識自本性一悟卽至佛地
 善知識智慧顯耀內外明徹識自本心若識
 本心卽本解脫若得解脫卽是般若三昧般
 若三昧卽是無念何名無念若見一切法心
 不染着是爲無念用卽徧一切處亦不着一
 切處但淨本心使六識出六門於六塵中無
 染無雜來去自由通用無滯卽是般若三昧
 自在解脫名無念行若百不思常令念絕卽

是法縛卽名邊見善知識悟無念法者萬法
 盡通悟無念法者見諸佛境界悟無念法者
 至佛地位善知識後代得吾法者將此頓教
 法門於同見同行發願受持如事佛故終身
 而不退者定入聖位然須傳授從上以來默
 傳分付不得匿其正法若不同見同行在別
 法中不得傳付損彼前人究竟無益恐愚人
 不解謗此法門百劫千生斷佛種性善知識
 吾有一無相頌答須誦取在家出家但依此
 修若不自修惟記吾言亦無有益聽吾頌曰
 說通及心通 如日處虛空 唯傳見性法
 出世破邪宗 法卽無頓漸 迷悟有遲疾
 只此見性門 愚人不可悉 說卽雖萬般
 合理還歸一 煩惱暗宅中 常須生慧日
 邪來須備至 正來煩惱除 邪正俱不用
 清淨至無餘 菩提本自性 起心卽是妄
 淨心在妄中 但正無三障 世人若修道
 一切盡不妨 常自見已過 與道卽相當

色類自有道	各不相妨惱	離道別覓道
終身不見道	波波度一生	到頭還自換
欲得見真道	行正即是道	自若無道心
闍行不見道	若真修道人	不見世間過
若見他人非	自非却是左	他非我不非
我非自有過	但自却非心	打除煩惱破
憎愛不關心	長伸兩脚卧	軟擬化他人
自須有方便	勿令彼有兼	即是自性現
佛法在世間	不離世間覺	離世覓菩提
恰如求兔角	正見名出世	邪見是世間
邪正盡打却	菩提性宛然	此頌是頓教
亦名大法船	迷聞經累劫	悟則刹那間

祖復曰今於大梵寺說此頓教普願法界衆生言下見性成佛時韋史君與官僚道俗聞師所說無不省悟一時作禮皆歡善哉何期嶺南有佛出世

次日韋刺史為師設大會齋齋訖刺史請祖升座同官僚士庶肅容再拜問曰弟子聞和

尚說法實不可思議今有少疑願大慈悲特為解說祖曰有疑即問吾當為說韋公曰和尚所說可不是達磨大師宗旨乎祖曰是公曰弟子聞達磨初化梁武帝帝問曰朕一生造寺度僧布施設齋有何功德達磨言實無功德弟子未達此理願和尚為說祖曰實無功德勿疑先聖之言帝心執着不知正法造寺度僧布施設齋名為求福不可將福便為功德功德在法身中不在修福祖又曰見性是功平等是德念念無滯常見本性真實妙用名為功德內心謙下是功外行於禮是德自性建立萬法是功心體離念是德不離自性是功應用無染是德若覓功德法身但依此作是真功德若修功德之人心即不輕常行普敬心常輕人吾我不斷即自無功自性虛妄不實即自無德為吾我自大常輕一切故善知識念念無間是功心行平直是德自修性是功自修身是德善知識功德須自性

內見不是布施供養之所求也是以福德與功德別武帝不識真理非我祖師有過刺史又謂曰弟子常見僧俗念阿彌陀佛願生西方請和尚說得生彼否願為破疑祖言使君善聽惠能為說釋迦世尊在王舍城說觀經有云阿彌陀佛去此不遠經文分明若論相說十萬億刹即人身中十惡等障說遠為其下根說近為其上智人有兩種法無兩般迷悟有殊見有遲疾迷人念佛求生於彼悟人自淨其心所以佛言隨其心淨即佛土淨使君東方人但心淨即無罪雖西方人心不淨亦有憇東方人念佛求生西方且西方人念佛更求生何國凡愚不了自性不識身中淨土願東願西悟人在處一般所以佛言隨所住處恒安樂憇君心地但無不善西方去此不遠若懷不善之心念佛往生難到今勸善知識能除十惡等障乃過十萬億刹念念見性常行平直到如彈指便觀彌陀使君但行

十善何須更願往生不斷十惡之心何佛即來迎請若悟無生頓法見西方只在刹那不悟念佛求生路遙如何得達惠能與諸人移西方於刹那間目前便見各願見否眾皆頂禮云若此處見何須更願往生願和尚慈悲便現西方普令得見祖言大衆世人自色身是城眼耳鼻舌是門外有諸門內有意門心是地性是王王居心地上性在王在性去王無性在身心存性去身心壞佛向性中作莫向身外求自性迷即是眾生自性覺即是佛慈悲即是觀音喜捨名為勢至能淨即釋迦平直即彌陀人我是須彌貪慾是海水煩惱是波浪毒害是惡龍虛妄是鬼神塵勞是魚鱉食喫是地獄愚癡是畜生善知識常行十善天堂便至除人我須彌倒去貪慾海水竭煩惱無波浪滅毒害除魚龍絕自心地上覺性如來放大光明外照六門清淨能破六欲諸天自性內照三毒即除地獄等罪一時消

滅內外明徹不異西方不作此修如何到得
大眾聞說了然見性悉皆禮拜俱歎善哉唱
言普願法界衆生聞者一時悟解祖言善知
識若欲修行在家亦得不但在寺在家能行
如東方人心善在寺不修如西方人心惡但
能心常清淨卽是自性西方韋公又問在家
如何修行願爲教授師言吾與大眾說無相
頌但依此修常與吾同處無別若不依此修
剃髮出家於道何益頌曰

心平何勞持戒	行直何用修禪
忍則孝養父母	義則上下相憐
讓則尊卑和睦	忍則衆惡無喧
若能鑽木出火	淤泥定生紅蓮
苦口的是良藥	逆耳必是忠言
改過必生智慧	護短心內非賢
日用常行饒益	成道非由施錢
菩提只向心覓	何勞向外求玄
聽說依此修行	西方只在目前

祖復曰善知識總須依偈修行見取自性直
成佛道時不相待衆人且散吾歸曹溪衆若
有疑卻來相同時刺史官條在會善男信女
各得開悟信受奉行

祖示衆云善知識我此法門以定慧爲本大
衆勿迷言定慧別定慧一體本不是二定是
慧體慧是定用卽慧之時定在慧卽定之時
慧在定若識此義卽是定慧等學諸學道人
莫言先定發慧慧定各別作此見者法有二
相口說善語心中不善空有定慧定慧不等
若心口俱善內外一如定慧卽是自悟修行
不在於諍若諍先後卽同迷人不斷勝負卻
增我法不離四相善知識定慧猶如何等猶
如燈光有燈卽光無燈卽暗燈是光之體光
是燈之用名雖有二體本同一此定慧法亦
復如是
祖示衆云善知識一行三昧者於一切處行
住坐卧常行一直心是也如淨名經云直心

是道場直心是淨土莫心行詔曲口但說直
口說一行三昧不行直心但行直心於一切
法勿有執著逢人著法相執一行三昧直言
常坐不動妄不起心卽是一行三昧作此解
者卽同無情却是障道因緣
祖示衆云善知識道須通流何以卻滯心不
住密一法道卽通流心若住法名爲自縛若言常
坐不動是只如舍利弗宴坐林中却被維摩
詰訶善知識又有人教坐看心觀靜不動不
起從此置功迷人不會便執成顛如此者衆
如是相教故知大錯 祖示衆云善知識
本來正教無有頓漸人性自有利鈍迷人漸
修悟人頓契所以立頓漸之假名自識本心
自見本性卽無差別善知識長此法門從上
以來先立無念爲宗無相爲體無住爲本無
相者相而離相無念者念而無念無住者人
之本性於世間善惡好醜乃至究之與親言
語觸刺欺爭之時並將爲空不思酬害念念

之中不思前境若前念今念後念念念相續
不斷名爲繫縛於諸法上念念不住卽無縛
也此是以無住爲本善知識外離一切相名
爲無相能離於相卽法體清淨此是以無相
爲體善知識於諸境上心不染曰無念於自
念上常離諸境不於境上生心若執百物不
思念盡除却一念絕卽死別處受生是爲大
錯學道者思之若不識法意自錯猶可更候
他人自迷不見又謗佛經所以立無念爲宗
善知識云何立無念爲宗只緣口說見性迷
人於境上有念念上便起邪見一切塵勞妄
想從此而生自性本無一法可得若有所得
妄說禍福卽是塵勞邪見故此法門立無念
爲宗善知識無者無何事念者念何物無者
無二相無諸塵勞之心念者念真如本性真
如卽是念之體念卽是真如之用真如自性
起念非眼耳鼻舌能念真如有性所以起念
真如若無眼耳鼻聲當時卽壞善知識真如

自性起念六根雖有見聞覺知不樂萬境而
真性常自在故經云能善分別諸法相於第
一義而不動

示東云此門坐禪元不著心亦不著淨亦
不是不動若言著心心元是妄知心如幻故
無所著也若言著淨人性本淨由妄念故蓋
覆真如但無妄想性自清淨起心著淨却生
淨妄妄無處所著者是妄淨無形相却立淨
相言是工夫作此見者障自本性却被淨縛
善知識若修不動者但見一切人時不見人
之是非善惡過患即是自性不動善知識迷
人身雖不動開口便說他人是善長短好惡
與道違背若著心著淨即障道也

祖示眾云善知識何名坐禪此法門中無障
無碍外於一切善惡境界心念不起名為坐
內見自性不動名為禪善知識何名禪定外
離相為禪內不亂為定外若著相內心即亂
外若離相心即不亂本性自淨自定只為見

境思境即亂若見諸境心不亂者是真定也
善知識外離相即禪內不亂即定外禪內定
是為禪定淨名經云即時豁然還得本心菩
薩戒經云我本性元自清淨善知識於念念
中自見本性清淨自修自行自成佛道

時祖師見廣韶洎四方士庶駢集山中聽法
於是陞座告眾曰來諸善知識此事須從自
性中起於一切時念念自淨其心自修自行
見自己法身見自心佛自度自戒始得本不
假到此既從遠來一會于此皆共有緣今可
各各胡跪先為傳自性五分法身香次授無
相懺悔眾胡跪師曰一戒香即自心中無非

第一

五

無惡無嫉妬無貪與無劫害名戒香二定香
即觀諸善惡境相自心不亂名定香三慧香
自心無礙常以智慧觀照自性不造諸惡雖
修眾善心不執着敬上念下矜恤孤貧名慧
香四解脫香即自心無所攀緣不思善不思
惡自在無礙名解脫香五解脫知見香自心

既無所攀緣善惡不可沉空守寂即須廣學多聞識自本心達諸佛理和光接物無我無人直至菩提真性不易名解脫知見香善知識此香各自內熏莫向外覓今與汝等授無相懺悔滅三世罪令得三業清淨善知識各隨我語一時道弟子等從前念今念及後念念念不被愚迷染從前所有惡業愚迷等罪悉皆懺悔願一時消滅永不復起弟子等從前念今念及後念念不被僞誑染從前所有惡業僞誑等罪悉皆懺悔願一時消滅永不復起弟子等從前念今念及後念念不被嫉妬染從前所有惡業嫉妬等罪悉皆懺悔願一時消滅永不復起善知識已上是為無相懺悔云何名懺云何名悔懺者懺其前愆從前所有惡業愚迷僞誑嫉妬等罪悉皆盡懺永不復起是名為懺悔者悔其後過從今已後所有惡業愚迷僞誑嫉妬等罪今已覺悟悉皆永斷永不復作是名為悔故稱懺

悔凡夫愚迷密一只知懺其前愆不知悔其後過三以不悔故前愆不滅後過又生前愆既不滅後過復又生何名懺悔善知識既懺悔已與善知識發四弘誓願各須用心正聽自心眾生無邊誓願度自心煩惱無邊誓願斷自性法門無盡誓願學自性無上佛道誓願成善知識大家豈不道眾生無邊誓願度愆惡道且不是惠能度善知識心中眾生所以邪迷心誑安心不善心嫉妬心惡毒心如是等心盡是眾生各須自性自度是名真度何各自性自度即自心中邪見煩惱愚癡眾生將正見度既有正見使般若智打破愚癡迷妄眾生各各自度邪來正度迷來悟度愚來智度惡來善度如是度者名為真度又煩惱無邊誓願斷將自性般若智除却虛妄思想心是也又法門無盡誓願學須自見性常行正法是名真學又無上佛道誓願成既常能下心行於真正離迷離覺常生般若除真除妄即

見佛性卽言下佛道成常念修行是願方法
善知識今發四弘願了更與善知識授無相
三歸依戒善知識歸依覺兩足尊歸依正離
欲尊歸依淨衆中尊從今日去稱覺爲師更
不歸依邪魔外道以自性三寶常自證明勸
吾知識歸依自性三寶佛者覺也法者正也
僧者淨也自心歸依覺邪迷不生少欲知足
能離財色名兩足尊自心歸依正念念無邪
見以無邪見故卽無人我貢高貪愛執着名
離欲尊自心歸依淨一切塵勞愛欲境界自
性皆不染着名衆中尊若修此行是自歸依
凡夫不會從日至夜受三歸戒若言歸依佛
佛在何處若不見佛憑何所歸言却成妄善
知識各自觀察莫錯用心經文分明言自歸
依佛不言歸依他佛自佛不歸無所依處今
既自悟各須歸依自心三寶內調心性外敬
他人是自歸依也善知識既歸依自三寶竟
各各志心吾與說一體三身自性佛令汝等

見三身了然自悟自性總隨我道於自色身
歸依清淨法身佛於自色身歸依圓滿報身
佛於自色身歸依千百億化身佛善知識色
身是舍宅不可言歸向者三身佛在自性中
世人總有爲自心迷不見內性外覓三身如
來不見自身中有三身佛汝等聽說令汝等
於自身中見自性有三身佛此三身佛從自
性生不從外得何名清淨法身佛世人性本
清淨萬法從自性生思量一切惡事卽生惡
行思量一切善事卽生善行如是諸法在自
性中如天常清日月常明爲浮雲蓋覆上明
下暗忽遇風吹雲散上下俱明萬象皆現世
人性常浮游如彼天雲善知識智如日慧如
月智慧常明於外着境被妄念浮雲蓋覆自
性不得明朗若遇善知識聞真正法自除迷
妄內外明徹於自性中萬法皆現見性之人
亦復如是此名清淨法身佛善知識自心歸
依自性是歸依真佛自歸依者除却自性中

不善心嫉妬心諂曲心吾我心誑妄心輕人
心慢他心邪見心貢高心及一切時中不善
之行常自見已過不說他人好惡是自歸依
常須下心普行恭敬即是見性通達更無滯
礙是自歸依何名圓滿報身譬如一燈能除
千年暗一智能滅萬年愚莫思向前已過不

性一

性

可得常思於後念念圓明自見本性善惡雖
殊本性無二無三之性名為實性於是性中
不染善惡此名圓滿報身佛自性起一念惡
滅萬劫善因自性起一念善得恒河沙惡盡
直至無上菩提念念自見不失本念名為報
身何名千百億化身若不思萬法性本如空
一念思量名為變化思量惡事化為地獄思
量善事化為天堂毒害化為龍蛇慈悲化為
菩薩智慧化為上界愚癡化為下方自性變
化甚多迷人不能省覺念念起惡常行惡道
起一念善智慧即生此名自性化身佛善知
識法身本具念念自性自見即是報身佛從

報身思量即是化身佛自悟自修自性功德
是真歸依皮肉是色身色身是舍宅不言歸
依也但悟自性三身即識自性佛吾有一無
相頌若能誦持言下令汝積劫迷罪一時消
滅頌曰

迷人修福不修道 只言修福便是道

布施供養福無邊 心中三惡元來造

擬將修福欲滅罪 後世得福罪還在

但向心中除罪緣 名自性中真懺悔

忽悟大乘真懺悔 除邪行正即無罪

學道常於自性觀 即與諸佛同一類

吾祖唯傳此頓法 普願見性同一體

若欲當來覓法身 離諸法相心中洗

努力自見莫悠悠 後念忽絕一世休

若悟大乘得見性 虔敬合掌志心求

祖言善知識總須誦取依此修行言下見性

雖去吾千里如常在吾邊於此言下不悟即

對面千里何勤遠來珍重好去一衆聞法靡

不開悟歡喜奉行

王家

東海佛弟子蔣顯捷捐刻壇
經頌古以續曹溪一派而
千佛慧命亦未出於斯也捷豈
不爲此中一數耶謹跋

六祖大師法寶壇經

密一

